

ortus, suo nomine usque in Oceanum delabitur. Sunt qui illum a Ptolemæo *Viadrum* vocari autumant. *Oderam* vocant ab Aucupibus vocabulo mutuato, qui speculas avibus speculari captandisque constitutas, *Oari* appellant: hodieque hujusmodi speculæ in Moravia ad fontem Oderæ ab Aucupibus constituuntur. Neque *Hama* silentio prætereundus, quamvis tenuibus interdum aquis fluens, attamen eos agros rigans, quibus non alii in Moravia Frumenſi fertiliores, ita ut frumentarii coloni a largo frumenti velut ubere, jure suo illos lumen Moraviæ appellent; in illis præterea sæpius quam in aliis Numismata M. Antonini, Commodique & aliorum nonnullorum Cæsarum, tam aurea quam argentea exseruntur. Quæ sane fidem bellorum cum Marcomannis olim in Moravia gestorum manifestam faciunt. Sunt & *Nigra* vulgo *Suarta*, & *Suittwa*, qui Brunnam Civitatem, dignitate proximam Olomuzio præterlabuntur. Pisces varios & quidem magna copia hi fluvii subministrant. Regio hæc quæ Bohemia minus montosa, nec tamè prorsus plana. Ponit hoc loco Ptolemæus *Orcynium nemus*, ac *Gabretam Silviam*. Incolarum (qui feroces rapinarumque avidi) sermo mixtus est, Bohemicus tamen prævalet, nam Germanica Lingua in urbibus tantum inter Optimates in usu est; De cætero, ritibus moribusque perinde morari ut Bohemi, inquit Dubravius. In hujus regionis pagis varie habitant Anabaptistæ omnium bonorum communionem professi. In Moravia ponit Mercator Comitatus *Hukenwaldt*, *Schonberg*. Dominia, *Lomnicz*, *Dubrantz*, *Gemnicz*, *Walſtain*, *Peitniz*, *Neubauſſ*, *Tefsch*, *Bozkowitz*, *Trebiſch*, *Dinnawitz*, *Ragerz*.

Sic.

Morav.

M m m iij

Sic